

Headline	Rabbit King bantu komersialkan daging arnab		
MediaTitle	Utusan Malaysia		
Date	05 Aug 2019	Color	Full Color
Section	Mega	Circulation	107,609
Page No	28,29	Readership	322,827
Language	Malay	ArticleSize	1199 cm ²
Journalist	ZETI FARZANA ALPIKRI	AdValue	RM 23,915
Frequency	Daily	PR Value	RM 71,745



“Rasa daging arnab yang lebih empuk berbanding daging lain mendorong permintaan terhadap haiwan tersebut tinggi.”

Oleh ZETI FARZANA ALPIKRI
pengarang@utusan.com.my

SEBUT sahaja mengenai arnab sudah pasti terlintas di kepala mengenai kecomelan dan kelincihan haiwan kecil ini berlari ke sana-sini memenuhi padang atau rumput yang menghijau.

Arnab merupakan haiwan yang sering dijadikan sebagai teman peliharaan, Namun kini ia juga diternak secara meluas menerusi penubuhan ladang arnab yang memasarkan dagingnya secara komersial untuk dimakan.

Rasa daging arnab yang lebih empuk berbanding daging lain mendorong permintaan terhadap haiwan tersebut tinggi sehingga memecah antara 150 dan 300 kilogram daging karkas dan daging tanpa tulang setiap bulan.

Namun, situasi industri penternakan di negara ini memperlihatkan bahawa masih tidak ramai yang berani mencebukan diri dalam industri penternakan arnab kerana kebanyakan mereka lebih gemar melibatkan diri dalam penternakan ayam, lembu dan kambing.

Justeru, situasi tersebut dilihat sebagai peluang kepada usahawan daging ini untuk mengkomersialkan haiwan ternakan tersebut untuk pasaran tempatan serta dieksport kepada pasaran antarabangsa.

Menurut Pengurus Operasi Rabbit King Malaysia, **Muhammad Zulfadli Zahir**, One Stop Rabbit Farm & Trading yang diasaskan oleh Mohd. Ismail Padzil pada 2009 kini mempunyai lebih 6,000 ekor arnab daripada 11 baka pedaging dan baka hiasan.

“Antara baka arnab yang terdapat di ladang ini adalah *White, Californian, Holland lop, Netherland Dwarf, Angora* dan *Lion hop* yang kebanyakannya diimport dari beberapa negara



Rabbit King bantu komersialkan daging arnab

seperti Amerika Syarikat, United Kingdom dan Belanda.

“Kami mendapat kerjasama daripada agensi kerajaan seperti Jabatan Perkhidmatan Veterinar (JPV), Institut Penyelidikan dan Kemajuan Pertanian Malaysia (Mardi) dan Lembaga Pemasaran Pertanian Persekutuan (FAMA) bagi membangunkan industri ternakan arnab,” katanya.

Mengulas lanjut Muhammad Zulfadli memberitahu, meskipun modal untuk membangunkan perniagaan ini agak besar, namun industri ini dilihat mampu memberikan keuntungan maksimum sekali gus melahirkan usahawan.

“Ladang arnab yang mempunyai keluasan empat ekar ini merangkumi reban, rumah serta taman arnab

dan burung dijadikan sebagai *petting zoo* yang dibuka kepada orang ramai setiap Sabtu, Ahad dan cuti umum dengan bayaran hanya RM5 seorang.

“Kini, kami berjaya membiakkan baka-baka arnab komersial tersebut disertakan dengan pemilihan induk bagi tujuan ladang sendiri,

“Selain itu, kami juga menjual kepada usahawan baru yang berminat memulakan projek sebagai pendapatan sampingan mahupun secara sepenuh masa,” katanya.

Tambahnya, daging arnab dipasarkan kepada Sate Kajang Haji Samuri dan beberapa hotel terkemuka serta restoran di sekitar Selangor dan Kuala Lumpur.

“Kami kini dalam perancangan untuk menambah

pengeluaran bagi menampung keperluan yang semakin meningkat di samping memberi peluang kepada individu di luar sana untuk menjual semula hasil ternakan arnab mengikut kriteria yang ditetapkan.

“Arnab yang kami terima daripada usahawan akan disembelih dan diproses di rumah sembelihan Halal One Stop Rabbit Farm & Trading dan seterusnya disimpan untuk produk sejuk beku,” katanya.

Menurut Muhammad Zulfadli, semasa mula mencebukan diri dalam industri penternakan arnab, sambutan yang diterima kurang memberangsangkan.

Ini kerana ramai yang menganggap arnab seperti kucing dan tidak sampai hati untuk makan haiwan cilik itu.

“Selain itu, cabaran harga yang agak mahal kerana daging arnab dikategorikan sebagai makanan eksotik juga menjadi penghalang kepada industri ini untuk berkembang pada peringkat permulaan.

“Namun, kini dengan perkembangan teknologi maklumat sudah ramai yang dapat menerima potensi dan kebaikan daging arnab. Malah, permintaan semakin hari semakin meningkat dan industri penternakan pedaging semakin berkembang,” katanya.

Daging arnab dipasarkan mengikut jenis bergantung kepada jenis baka, umur dan kualiti haiwan tersebut.

“Oleh itu, usahawan baru boleh membeli baka arnab untuk tujuan komersial daripada kami dengan harga



SEKUMPULAN pengunjung bermain dengan arnab di One Stop Rabbit Farm & Trading.



ARNAB daripada baka Rabbit King ditempatkan dalam reban.

Headline	Rabbit King bantu komersialkan daging arnab		
MediaTitle	Utusan Malaysia		
Date	05 Aug 2019	Color	Full Color
Section	Mega	Circulation	107,609
Page No	28,29	Readership	322,827
Language	Malay	ArticleSize	1199 cm ²
Journalist	ZETI FARZANA ALPIKRI	AdValue	RM 23,915
Frequency	Daily	PR Value	RM 71,745



PAPAN tanda menunjukkan jalan ke ladang arnab.



MUHAMMAD ZULFADLI ZAHIR menunjukkan dua ekor arnab ternakannya.

yang jauh lebih murah," katanya.

Muhammad Zulfadli berharap industri ternakan arnab menjadi salah satu bidang baharu yang berpotensi untuk dikomersialkan dan eksport seperti mana industri ternakan lain seperti ayam dan lembu.

"Saya juga berharap supaya kerajaan dapat menyediakan lebih banyak medium untuk melahirkan lebih ramai usahawan muda dalam bidang penternakan sekali gus mampu membantu meningkatkan ekonomi.

"Ini kerana pasaran makanan masih terlalu luas untuk diteroka, malah iklim tropika di negara kita dilihat memberikan kelebihan untuk industri ternakan dengan menjalankan program pembiakan sepanjang tahun," katanya.

INFO

One Stop Rabbit Farm & Trading

- **Lokasi:** Kampung Bukit Badong, Kuala Selangor
- **Jumlah ternakan:** 6,000 ekor
- **Aktiviti:** Zoo mini arnab dan burung

Harga haiwan ternakan

- **Karkas:** RM35 hingga RM45
- **Daging tanpa tulang (Boneless):** RM45 hingga RM60
- **Hidup (baka):** RM50 hingga - RM350 (bergantung kepada jenis baka, umur dan kualiti)
- **Maklumat lanjut hubungi** 017-2632979